



Cov nqee lus uas nquag nug hais txog tshuaj txhaj tiv thaiv Tus Kab Mob Khaus Viv-19 (COVID-19) hauv xeev Oregon

Lo lus nug uas nquag nug (frequently asked question, FAQ) no yuav teb rau cov lus nug uas nyiam nug ua ntu zus uas peb tau txais los ntawm cov neeg xiam oob qhab.

Q1. Vim li cas kuv thiaj li yuav tsum tau txais kev txhaj tshuaj tiv thaiv Tus Kab Mob Khaus Viv-19 (COVID-19)?

A1. Kev txhaj tshuaj tiv thaiv kab mob yog ib txoj hau kev uas nyab xeeb thiab siv tau hauj lwm tau zoo txhawm rau tswj xyuas koj tus neeg kheej thiab cov neeg uas koj hlub kom nyab xeeb tsis txhob kis tau Tus Kab Mob Khaus Viv-19 (COVID-19). Tej zaum koj yuav muaj kev pheej hmoo raug tau rau Tus Kab Mob Khaus Viv-19 (COVID-19) siab dua yog hais tias koj nyob rau hauv ib lub chaw teeb tsim rau kev saib xyuas (tu) mob uas muaj kev sib sau koom txoos ua ke los sis nyob sib ze nrog cov kws muab kev saib xyuas kho mob uas tseem tsis tau txhaj tshuaj tiv thaiv kab mob. Tsis tas li ntawd tej zaum koj kuj yuav muaj kev pheej hmoo ntsib kev mob khaub thuas hnyav siab dua yog hais tias koj muaj mob ntshav qab zib, mob khees xaws, mob plawv, rog los sis muaj ib qho kev xiam oob qhab txog fab kev txawj ntse los sis txog fab kev loj hlob. Qhov tshuaj txhaj tiv thaiv kab mob yuav ua kom koj lub cev muaj zog tuaj tawm tsam Tus Kab Mob Khaus Viv-19 (COVID-19) thiab tiv thaiv koj kom tsis txhob muaj mob. Thiab yog hais tias koj pov thaiv tau koj tus kheej los ntawm Tus Kab Mob Khaus Viv-19 (COVID-19), koj kuj tseem yuav pab pov thaiv tau cov neeg uas nyob rau ib puag ncig ntawm koj tib si.

Q2. Cov tshuaj txhaj tiv thaiv Tus Kab Mob Khaus Viv-19 (COVID-19) puas nyab xeeb?

A2. Txhua cov tshuaj txhaj tiv thaiv Tus Kab Mob Khaus Viv-19 (COVID-19) twb tau kuaj xyuas kom paub tseeb tias nws muaj kev nyab xeeb thiab ua hauj lwm tau zoo lawm. Tau muaj ntau caum txhiab leej neeg uas muaj ntau yam keeb kwm, cov hnuv nyoog thiab cov cheeb tsam zej zos uas tau koom nrog rau hauv qhov kev sim ntsig txog tshuaj txhaj tiv thaiv kab mob nod. Muaj txog sawm leej neeg twb tau txhaj cov tshuaj txhaj tiv thaiv Tus Kab Mob Khaus Viv-19 (COVID-19) no tag lawm. Koj tsis tuaj yeem kis Tus Kab Mob Khaus Viv-19 (COVID-19) los ntawm cov tshuaj txhaj tiv thaiv tus kab mob tau.

Q3. Cov neeg xiam oob qhab los sis muaj kev xav tau ntsig txog kev kho mob uas sib cov pes daws puas tau mus koom nrog cov kev sim rau fab kev kuaj mob?

A3. Tau. Qhov tshuaj txhaj tiv thaiv kab mob uas raug sim kuaj los hauv ntau caum txhiab ntawm cov neeg koom uas muaj cov zwj ceeb qhia txog tus mob uas muaj txoj kab khij rau hauv qab tab sis qhov kev tshaj qhia ntawm kev sim tshuaj ntawd tsis tswj zais rau cov zwj ceeb mob ntawd kiag.

Q4. Puas muaj peev xwm txhaj tau tus tshuaj txhaj tiv thaiv kab mob tau rau lwm qhov chaw lawm dhau ntawm txhais caj npab?

A4. Tau. Qhov kev txhaj tshuaj tiv thaiv kab mob yuav tsum muab txhaj mus raws cov leeg nqaij (piv txwv li, kev txhaj tshuaj raws leeg nqaij). Txog rau ntawm cov neeg laus, xav kom txhaj tshuaj tiv thaiv kab mob raws qhov leeg nqaij (ntawm sab caj npab ntug saum toj) ntawm thooj nqaij ntshiv ntawm xub pwg. Thooj nqaij ntsig ntawm ncej puab los yeej siv tau ib yam nkaus.

Q5. Yuav ua li cas yog hais tias kuv tseem tab tom noj tshuaj? Cov tshuaj txhaj tiv thaiv kab mob nod puas tseem nyab xeeb rau kuv?

A5. Tam sim no tseem tsis tau muaj cov ntaub ntawv hais txog cov kev sib cuam tshuam ntawm tus tshuaj txhaj tiv thaiv kab mob nrog rau lwm cov tshuaj los sis cov kev noj tshuaj. Cov kws kho mob uas paub zoo rau tej suam xav tias tus tshuaj txhaj tiv thaiv kab mob yeej nyab xeeb tab txawm hais tias koj tseem tab tom noj lwm tshuaj los yeej tsis ua li cas. Tus tshuaj txhaj tiv thaiv kab mob kuj yuav tsis ua tau hauj lwm zoo ib yam nkaus yog hais tias koj tab tom noj cov tshuaj uas tsuj koj cov roj ntsha tiv thaiv kab mob hauv nrog cev.

Q6. Yog ua li cas yog hais tias kuv muaj ib qho zwj ceeb mob ntsig txog fab kev noj qab haus huv tshwm sim? Cov tshuaj txhaj tiv thaiv kab mob nod puas tseem nyab xeeb rau kuv?

A6. Nyab xeeb kawg. Muaj peev xwm muab txhua tus tshuaj txhaj tiv thaiv Tus Kab Mob Khaus Viv-19 (COVID-19) uas tau txais kev tso cai los ntawm Lub Chaw Tswj Xyuas Khoom Noj thiab Tshuaj (Food and Drug Administration, FDA) siv rau cov neeg uas muaj cov zwj ceeb mob lwm yam txuam nrog uas tsis muaj [cov zwj ceeb mob lwm yam txuam nrog](#) txog ntawm qhov kev txhaj tshuaj tiv thaiv kab mob. Yuav tsum sib tham kom tshab txog txhua cov kev txhawj xeeb xab phaub nrog koj tus kws kho mob.

Q7. Qhov tshuaj txhaj tiv thaiv kab mob puas yuav tiv thaiv tau kuv los ntawm txoj kev kis tau Tus Kab Mob Khaus Viv-19 (COVID-19)?

A7. Txawm tias nws tsis muaj peev xwm pov thaiv tau 100% los xij, tag nrho cov tshuaj txhaj tiv thaiv Tus Kab Mob Khaus Viv-19 (COVID-19) uas tau txais kev tso cai rau siv tau hauv Teb Chaw Mes Kas yeej yog cov uas siv tau hauj lwm zoo tshaj plaws uas pov thaiv tau kab mob loj heev thiab kev pw kho haus tsev kho mob.

Q8. Cov tsos mob tshwm sim los ntawm hom tshuaj txhaj tiv thaiv Tus Kab Mob Khaus Viv-19 (COVID-19) yog muaj dab tsi?

A8. Tom qab koj tau txais koj koob tshuaj txhaj tiv thaiv kab mob lawm, koj yuav muaj ib lub pob uas khov mob nyob rau ntawm koj sab npab uas yog qhov chaw

koj txhaj koob tshuaj txhaj tiv thaiv kab mob rau. Qee leej kuj tseem yuav hnov tias sab los sis poob siab los sis kub taub hau li ob peb hnuv. Qhov no tsis txhais hais tias yog koj mob. Nws txhais tau hais tias qhov tshuaj txhaj tiv thaiv kab mob tab tom ua hauj lwm los tswj koj lub cev kom muaj zog tuaj. Nws yeej tsis tshua lam pom muaj cov tsos mob tshwm sim uas mob loj kiag li.

Q9. Cov tshuaj txhaj tiv thaiv kab mob uas hauj lwm tau li cas?

A9. Cov tshuaj txhaj tiv thaiv kab mob qhia peb cov hlab qaij (cells) kom tsim qhov thaj protein uas tsis tsim teeb meem dab tsi rau lub cev. Peb cov roj ntsha tiv thaiv kab mob hauv nrog cev pom cov protein ntawd thiab tsim cov roj ntsha tiv thaiv kab mob uas yuav nco ntsoov los tawm tsam Tus Kab Mob Khaus Viv-19 (COVID-19) yog tias peb kis tau tus kab mob ntawd.

Q10. Kuv twb tau mob Tus Kab Mob Khaus Viv-19 (COVID-19) los dua lawm. Kuv puas tsim nyog yuav tsum tau txais kev txhaj tshuaj tiv thaiv kab mob ntxiv thiab?

A10. Tsim nyog kawg. Peb yeej tseem tsis tau paub tseeb hais tias nws yuav kav mus ntev npaum li cas tiag los sis lub zog tiv thaiv kab mob hauv nrog cev raws li ib txwm muaj los nws muaj zog npaum li cas. Tab txawm hais tias koj twb tau mob Tus Kab Mob Khaus Viv-19 (COVID-19) dua los lawm los xij, tus tshuaj txhaj tiv thaiv nod yuav pab pov thaiv koj tawm tsam kom tsis txhob muaj kev sib kis kab mob los ntawm cov yam ntxwv tshiab tib si. Tos kom txog ntua rau thaum koj rov zoo tu qab los ntawm Tus Kab Mob Khaus Viv-19 (COVID-19) tso ua ntej koj yuav tau txais kev txhaj tshuaj tiv thaiv kab mob.

Q11. Kuv muaj peev xwm tau txais tus tshuaj txhaj tiv thaiv kab mob nyob rau qhov twg?

A11. Koj muaj peev xwm hu rau 211 los sis 866-698-6155 los sis txheeb xyuas [daim duab qhia chaw pab nrhiav qhov chaw muab kev txhaj tshuaj tiv thaiv kab mob](#) txhawm rau tshawb nrhiav tus kws muab kev pab cuam kho mob uas muab tshuaj tiv thaiv kab mob uas nyob ze tshaj plaws rau ntawm koj. Daim duab qhia chaw (map) nod muaj sau ua 12 hom lus. Lub Oos Kas Saib Xyuas Kev Noj Qab Haus Huv Hauv Xeev Oregon (Oregon Health Authority, OHA) muaj peev xwm muab tau cov lus qhia paub sau ua lwm hom ntaub ntawv xws li muab txhais ua lwm hom lus, muab sau ua tus tsiaj ntawv loj, los sis muab sau ua cov ntawv su uas cov neeg tsis pom kev siv tau. Tiv tauj rau Lub Chaw Ua Hauj Lwm Saib Xyuas Cov Lus Qhia Paub Txog Fab Kev Noj Qab Haus Huv (Health Information Center) ntawm tus xov tooj 971-673-2411, 711 TTY los sis COVID19.LanguageAccess@dhsosha.state.or.us.

Q12. Kuv yuav paub tau hais tias tuaj yeem nkag cuag tau rau lub chaw muab kev txhaj tshuaj tiv thaiv kab mob ntawd tau li cas?

A12. Cov kws muab kev saib xyuas kho mob uas muab tshuaj txhaj tiv thaiv Tus Kab Mob Khaus Viv-19 (COVID-19) yuav tsum yog ib tug uas koom tes nrog Lub Koom Haum Saib Xyuas Txog Mob Ntshav Qab Zib Ntawm Teb Chaws Mes Kas (American Diabetes Association, ADA).

Q13. Kuv yuav ua li cas yog hais tias thaum kuv mus raws li ib qho kev teem caij sib ntsib thiab lub chaw ntawd tsis muaj peev xwm pab cuam tau raws li kuv cov kev xav tau?

A13. Tiv tauj rau [Lub Oos Kas Saib Xyuas Kev Noj Qab Haus Huv Hauv Xeev Oregon \(Oregon Health Authority, OHA\) Qhov Txheej Txheem Pab Cuam Rau Tus Neeg Pab Hais Daws Teeb Meem Nrhiav Kev Ncaj Ncees](#) los ntawm kev hu rau tus nab npawb xov tooj uas faj lus tseg tau ntawm 877-642-0450 TTY 711 los sis sau email mus rau OHA.OmbudsOffice@dhsosha.state.or.us

Q14. Yuav ua li cas yog hais tias kuv tsis muaj peev xwm tawm tau ntawm kuv vaj tsev mus? Kuv muaj peev xwm mus txhaj tshuaj tiv thaiv kab mob tua li cas?

A14. Tiv tauj rau [lub oos kas saib xyuas kev noj qab haus huv rau pej xeem hauv lub zej zos \(local public health authority\) uas nyob ze ib cheeb tsam ntawm koj](#). Medicaid cov neeg qhua yuav tsum tau sab laj tawm tswv yim nrog lawv tus thawj tswj xyuas txog qhov teeb meem los sis lis ntuab ntawv.

Q15. Nws yuav raug tus nqi npaum li cas? Kuv puas yuav tsum muaj is saws las tuav pov hwm?

A15. Tus tshuaj txhaj tiv thaiv kab mob nod yog muaj txhaj pub dawb rau txhua tus neeg. Koj yuav tsis raug tsub nqi rau txoj kev teem caij tuaj ntsib los sis rau koob tshuaj txhaj tiv thaiv kab mob. Koj tsis tas yuav tsum tau muaj is saws las tuav pov hwm kev noj qab haus huv es thiaj li tau txais kev txhaj tshuaj txhaj tiv thaiv kab mob, tab sis mas yog hais tias koj muaj is saws las tuav pov hwm kev noj qab haus huv, koj yuav tsum nqa koj daim npav mus nrog. Tej zaum tus kws muab kev saib xyuas kho mob kuj yuav sau nqi rau koj lub is saws las tuav pov hwm them qhov nqi kev txhaj tshuaj tiv thaiv kab mob ntawd.

Q16. Kuv puas yuav tsum tau nqa ib qhov ID cim thawj twg nrog kuv los ua pov thawj tias kuv li muaj caij tsim nyog tau txais kev pab?

A16. Tsis tas nqa. Koj tsis tas yuav tsum nqa pov thawj ntawm kev muaj caij tsim nyog. Tej zaum koj yuav raug thov kom muab kev cim thawj ua kev paub txog ntawm tus kheej, tab sis mas koj yuav tsis raug muab tshem tawm yog hais tias koj tsis muaj qhov kev cim thawj ua kev paub txog ntawm tus kheej.

Q17. Kuv puas yuav tsum tau muab tus nab npawb tuav pov hwm xaus saus (social security) los txais tshuaj txhaj tiv thaiv kab mob?

A17. Tsis tau. Koj tsis tas yuav tsum muab tus nab npawb tuav pov hwm xaus saus (social security).

Q18. Muaj dab tsi hauv cov tshuaj txhaj tiv thaiv Tus Kab Mob Khaus Viv-19 (COVID-19)?

A18. Cov tshuaj txhaj tiv thaiv kab mob hom Pfizer thiab hom Moderna yog tsim ua los ntawm “RNA,” uas nws yuav mus qhia kom koj lub cev tsim ua ib tus kab mob vais lav (virus) uas tsis tsim teeb meem dab tsi, uas ua rau kom koj lub cev thiaj li yuav tsim tau lub zog tiv thaiv kab mob hauv nrog cev. Tus tshuaj txhaj tiv thaiv kab

mob Johnson & Johnson yog siv tus kab mob vais lav (virus) los tsim kom peb txhim kho cov roj ntsha tiv thaiv kab mob kom los tim thaiv Tus Kab Mob Khaus Viv-19 (COVID-19). Cov tshuaj txhaj tiv thaiv kab mob yuav tsis hloov koj cov DNA thiab yuav tsis muaj tus kab mob vais lav (virus) los sis ib qhov khoom muab los ntawm tej tsiaj txhu uas cia sia dab tsi hlo li.

Q19. Kuv puas yuav tsum tau txhaj koob tshuaj txhaj tiv thaiv kab mob zaum thib ob? Kuv yuav paub tau li cas tias yuav mus nyob rau thaum twg thiab rau qhov chaw twg?

A19. Nyob rau ntawm cov tshuaj txhaj tiv thaiv kab mob Pfizer thiab Moderna, koj yuav tsum tau txais ob koob. Koj yuav tau txais koob thib ob nyob rau 3 los sis 4 lub lim piam tom qab koj tau txais thawj koob. Nws tseem ceeb heev rau koj los txhaj ob koob tshuaj kom txhij. Lub chaw kuaj mob uas koj mus txhaj koj thawj koob tshuaj yuav tiv tauj rau koj los teem caij rau koj koob tshuaj thib ob. Txog ntawm tus tshuaj txhaj tiv thaiv kab mob hom Johnson thiab Johnson, koj tsuas tau txhaj ib koob nkaus xwb.

Koj yuav txais kev ceeb qhia tias hom tshuaj txhaj tiv thaiv kab mob twg uas koj tau txais thiab hom twg uas yuav tau taug qab xyuas ntxiv mus, yog hais tias muaj, koj yuav tsum tau ua. Koj yuav tau txais pov thawj lees paub ntawm koj txoj kev txhaj tshuaj tiv thaiv kab mob. Khaws koj daim npav ua pov thawj txog kev txhaj tshuaj tiv thaiv kab mob cia kom zoo.

Q20. Kuv yuav ua li cas yog hais tias kuv ua kuv daim npav qhia txog kev txhaj tshuaj tiv thaiv kab mob ploj lawm?

A20. Yog hais tias koj ua koj daim npav qhia txog kev txhaj tshuaj tiv thaiv kab mob ploj los sis puas ntsoog lawm, koj muaj peev xwm siv tau koj cov ntaub ntawv teev txog kev txhaj tshuaj tiv thaiv kab mob los ua ntawv pov thawj tau tib si. Ntawm no yog txoj ncauj ke qhia tias koj yuav tau txais koj cov ntaub ntawv tau li cas (tsis muaj kev hloov paub cov npav qhia txog kev txhaj tshuaj tiv thaiv kab mob los ntawm Lub Chaw Ua Hauj Lwm Txog Kev Tswj Xyuas thiab Kev Tiv Thaiv Kab Mob (Centers for Disease Control and Prevention, CDC)):

- Kuaj xyuas nrog koj tus kws muab kev saib xyuas kho mob rau fab kev noj qab haus huv, los sis lawv lub vas sab (website), txog rau ntawm koj qhov ntaub ntawv teev tseg txog kev txhaj tshuaj tiv thaiv kab mob.
- Ua raws li cov lus qhia nyob rau ntawm [Lub Oos Kas Saib Xyuas Kev Noj Qab Haus Huv Hauj Xeev Oregon \(Oregon Health Authority, OHA\) nplooj vas sab hais txog Cov Chaw Muab Kev Pab Cuam Ntsig Txog Kev Txhaj Tshuaj Tiv Thaiv Kab Mob](#) . Tej zaum nws yuav siv sij hawm li 5 hnuv mas thiaj mam li tau txais koj qhov ntaub ntawv teev tseg.
- Hu rau 211 txhawm rau thov kev pab ua lwm hom lus dhau ntawm Lus As Kiv.

Q21. Tom qab txhaj tshuaj tiv thaiv kab mob lawm, kuv puas yuav tuaj yeem tsum tsis rau ntaub npog qhov ncauj thiab pib sib sau ua ke ua pab pawg neeg coob li qub tau?

A21. Tom qab koj tau txhaj tshuaj tiv thaiv kab mob tag lawm (ob lim piam tom qab koj qhov kev txhaj tshuaj tiv thaiv kab mob zaum kawg), koj muaj peev xwm mus ntsib tau rau ntawm cov chaw rau kev ua si sab hauv tsev nrog lwm tus neeg yam tsis tas rau ib daim ntaub npog qhov ncauj qhov ntswg los sis tsis tas txuag kev nyob kom sib nrug deb ntawm lub cev los tau. Koj yeej tseem yuav tsum tau rau ib daim ntaub npog qhov ncauj qhov ntswg thaum koj mus nyob rau hauv qee cov chaw.

Q22. Kuv twb tau txais kev txhaj tshuaj tiv thaiv kab mob txhij txhua lawm thiab tab sis feem kev tiv thaiv kab mob hauv lub nrog cev tsis ua hauj lwm zoo. Kuv puas tseem yuav tsum tau rau ib daim ntaub npog qhov ncauj qhov ntswg txuas ntxiv mus thaum nyob ze ib puag ncig ntawm lwm tus neeg?

A22. Tej zaum cov tshuaj txhaj tiv thaiv kab mob yuas siv tsis tau hauj lwm zoo rau cov neeg uas muaj cov kab mob hlab ntshav plawv cuam tshuam txog kev tsis txhaj tshuaj tiv thaiv kab mob los sis cov neeg uas noj cov tshuaj uas rhuav tshem feem kev tiv thaiv kab mob hauv nrog cev. Cov tib neeg yuav tsum sib tham nrog lawv cov kws muab kev saib xyuas kho mob rau fab kev noj qab haus huv txog ntawm lawv tus kheej qhov kev pheej hmoo raws li lawv qhov keeb kwm kev mob nkeeg yav tas los thiab yog hais tias lawv yuav tsum tau rau ib daim ntaub npog qhov ncauj qhov ntswg thaum nyob rau hauv tej chaw muaj zej tsoom nyob coob.

Q23. Kuv tus neeg pab txhawb nqa kuv puas muaj peev xwm coj kuv mus txhaj tshuaj tiv thaiv kab mob tau?

A23. Tau. Tej zaum cov neeg ua hauj lwm muaj kev txhawb nqa kuj yuav siv lub sij hawm uas tau teem caij tseg tas li ntawd los mus coj koj mus txhaj tshuaj tiv thaiv kab mob rau ntawm koj qhov chaw ua kev teem caij sib ntsib rau kev txhaj tshuaj tiv thaiv kab mob. Rau Medicaid cov tswv cuab, tej zaum kuj yuav muaj cov xuab moos pab txhawb nqa ntxiv rau. Tiv tauj rau koj tus neeg ua hauj lwm lis teeb meem (ntaub ntawv) rau kev paub ntau ntxiv.

Q24. Kuv puas muaj peev xwm muaj tau lwm cov chaw muab kev pab cuam txhawb nqa nrog kuv, muaj xam nrog rau tab sis kuj tsis yog tag rau cov kev pab cuam ntsig txog tsiaj txhu, cov npav rau kev sib txuas lus, cov neeg txhais lus hauv ntaub ntawv. thiab lwm yam ntxiv?

A24. Tau kawg.

Q25. Kuv tus neeg pab txhawb nqa kuv puas muaj peev xwm txhaj tshuaj tiv thaiv kab mob tau nyob rau tib lub sij hawm uas kuv txhaj ntawd?

A25. Tau. Tsis tas yuav ua cov kev teem caij mus ntsib kws kho mob nyob rau ntawm ntau cov khw muag tshuaj. Rau cov tswv cuab ntawm Medicaid uas muab kev saib xyuas kho mob rau hauv tsev, peb Cov Neeg Tsav Xyuas Tus Tshuaj Txhaj Tiv Thaiv Kab Mob kuj tseem muaj peev xwm teem sij hawm tau rau neb ob leeg tib si nyob rau tib lub sij hawm. Hu rau 503-890-0491.

Q26. Kuv tus neeg pab txhawb nqa kuv puas muaj peev xwm nyob nrog kuv tau tom qab kuv tau txhaj kuv koob tshuaj txhaj tiv thaiv kab mob xub thawj tag lawm es kuv muaj cov tsos mob tshwm sim?

A26. Tau. Tej zaum cov neeg ua hauj lwm muaj kev txhawb nqa kuj yuav siv lub sij hawm uas tau teem caij tseg tas li ntawd los mus nyob nrog koj tom qab koj qhov kev txhaj tshuaj tiv thaiv kab mob. Rau Medicaid cov tswv cuab, tej zaum kuj yuav muaj cov xuab moos pab txhawb nqa ntxiv rau. Tiv tauj rau koj tus neeg ua hauj lwm lis teeb meem (ntaub ntawv) rau kev paub ntau ntxiv.

Q27. Kuv tuaj yeem nriav cov ntaub ntawv paub ntxiv nyob rau qhov chaw twg?

A27. Rau kev paub ntau ntxiv, mus saib rau ntawm [covidvaccine.oregon.gov](https://www.covidvaccine.oregon.gov) (Lus As Kiv) los sis [vacunacovid.oregon.gov](https://www.vacunacovid.oregon.gov) (Lus Xab Pees Niv). Koj kuj tseem tuaj yeem hu rau 211 los sis 866-698-6155 rau kev paub hais ua txhua hom lus.

Cov Cai Hais Txog Ntawm Kev Xiam Oob Qhab Huv Xeev Oregon, Paub Txog Koj Cov Cai: <https://www.droregon.org/covid-19-rights>

Nplooj Ntawv Qhia Txog Lub Chaw Muab Kev Pab Cuam Ntsig Txog Kev Paub Txog Koj Cov Cai Ntawm Lub Chaw Ua Hauj Lwm Saib Xyuas Cov Kev Pab Cuam Txog Fab Kev Loj Hlob Rau Cov Neeg Xiam Oob Qhab (Office of Developmental Disabilities Services, ODDS): <https://www.oregon.gov/DHS/SENIORS-DISABILITIES/DD/ODDS%20Resource%20Library/Covid-Medical-Rights-Resources-Sheet.pdf>

Yog hais tias koj muaj cov kev txhawj xeeb los sis cov kev tsis txaus siab, tiv tauj rau [Lub Oos Kas Saib Xyuas Kev Noj Qab Haus Huv Huv Xeev Oregon \(Oregon Health Authority, OHA\) Qhov Txheej Txheem Pab Cuam Rau Tus Neeg Pab Hais Daws Teeb Meem Nrhiav Kev Ncaj Ncees](https://www.oregon.gov/HealthAuthority/OHA/Pages/COVID-19-Resources.aspx) los ntawm kev hu rau tus nab npawb xov tooj uas faj lus tseg tau ntawm 877-642-0450 TTY 711 los sis sau email mus rau OHA.OmbudsOffice@dhsosha.state.or.us.

Kev muaj peev xwm nkag cuag tau rau daim ntaub ntawv: Rau cov tib neeg uas muaj kev xiam oob qhab los sis cov tib neeg uas hais tau ib hom lus uas tsis yog Lus Askiv, Lub Oos Kas Saib Xyuas Kev Noj Qab Haus Huv Huv Xeev Oregon (Oregon Health Authority, OHA) tuaj yeem muab tau cov lus qhia paub sau ua lwm hom ntaub ntawv xws li kev txhais lus, muab sau ua tus tsiaj ntawv loj, los sis muab sau ua cov ntawv su uas cov neeg tsis pom kev siv tau. Tiv tauj rau Lub Chaw Ua Hauj Lwm Saib Xyuas Cov Lus Qhia Paub Txog Fab Kev Noj Qab Haus Huv (Health Information Center) ntawm tus xov tooj 971-673-2411, 711 TTY los sis [COVID19.LanguageAccess@dhsosha.state.or.us](https://www.oregon.gov/HealthAuthority/OHA/Pages/COVID19.LanguageAccess@dhsosha.state.or.us).